



Ukuhlomisa izingane zethu
ngelikusasa

RI 1

**Isihloko sesifundo: Abakhulumeli bakaNkulunkulu - abaProfethi
(Ingxenye 1)**

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa: **AbaKhulumeli bakaNkulunkulu - abaProfethi (Ingxenye 1)**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofa kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga se – RI 1. 2.4: Uyacelwa uthinte uThisha wakho we- RI 1 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se – **RI 1** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	AbaKhulumeli bakaNkulunkulu - abaProfethi (Ingxenye 1)
Umbhalo weBhayibheli	UJona 1-4; Daniyeli 7: 13; Daniyeli 7:18; Daniyeli 12: 1-2
Inhloso yesifundo	Izingane zithola ukuthi uNkulunkulu wambula intando yaKhe futhi umemezela okuzokwenzeka ngomuntu.

Isifundo esifingqiwe:

- Abaprofethi babeyizithunywa ezivela kuNkulunkulu ezazikhuluma egameni laKhe.
- Umprofethi wamemezela intando kaNkulunkulu futhi wambula okuzayo.
- UNkulunkulu wacela uJona ukuthi aye edolobheni laseNineve ayoshumayeza abantu ukuthi baphenduke ezindleleni zabo ezimbi.
- Ekuqaleni akazange alalele uNkulunkulu futhi siyayazi indaba yokuthi wagwinywa yinhlanzi.
- Ekugcineni waya eNineve futhi watshela abantu ukuthi uma bengaguquki ezindleleni zabo ezimbi uNkulunkulu uzobajezisa futhi abhubhise idolobha labo ezinsukwini ezingamashumi amane.
- Ngakho-ke abantu, kubandakanya neNkosi, bamkholwa uJona.
- Basisola ngezindlela zabo ezimbi, baphenduka ezonweni zabo futhi bakhuleka kuNkulunkulu.
- Njengophawu olubonakalayo, bagqoka izindwangu zesaka futhi abadlanga lutho. Lapho uNkulunkulu ebona ukuthi sebephendukile ezindleleni zabo ezimbi, wawusindisa umuzi nabantu bawo.
- Abaprofethi baphinde babikezela izigaba ezahlukahlukene zohlelo lukaNkulunkulu lwensindiso kuze kube sekubuyeni kweNkosi uJesu.
- Futhi, imicimbi ezokwenzeka ngaphambi noma ngemuva kosuku lokubuya kweNkosi uJesu.
- Kwezinye izikhathi babenza nezitatimende bona ngokwabo ababengakwazi ukuziqonda.
- Isibonelo, umprofethi uDaniyeli wabona imibono exhumene nokubuya kukaKristu. Ungafunda ngale mibono kuDaniyeli 7: 13, Daniyeli 7: 18 nakuDaniyeli 12: 1-2.
- UJesu wayazi amazwi abaprofethi futhi wabuye wawaqaphuna futhi wawaqinisekisa amazwi abaprofethi ngesikhathi somsebenzi waKhe emhlabeni. Luka 21: 27 “Khona bayakubona iNdodana yomuntu iza efwini, inamandla nenkazimulo enkulu”.



Ingabe sisifundisa ini lesisifundo na?

- Abaprofethi babeyizithunywa zikaNkulunkulu futhi bakhuluma egameni laKhe - "Isho kanje iNkosi"
- Abaprofethi bamemezela intando kaNkulunkulu kubantu futhi baveza okuzayo.
- Uma abantu bengakholelwa futhi bengalaleli imiyalezo yabaprofethi, bekufanele bahlupheke ngemiphumela yokungalaleli intando kaNkulunkulu.
- Abaprofethi babikezela nohlelo lukaNkulunkulu lokusindiswa futhi bakhuluma nangokuhlupheka kukaJesu, ukubuya kwaKhe nezehlakalo ezizokwenzeka ngaphambi nangemuva kokubuya kukaJesu Kristu.
- Namuhla, isithembiso sokubuya kukaJesu Kristu sigcinwa siphila ngokushunyayelwa kwabaPhostoli kanye nabeFundisi bethu.
- Kubaluleke kakhulu ukuthi sikholwe ukushunyayelwa kwabaPhostoli kanye nabeFundisi futhi senze izinqumo ezifanele ngokulalela intando kaNkulunkulu nangokulandela uhlelo lwaKhe lwensindiso.
- Kumele sithande uNkulunkulu ngaphezu kwazo zonke izinto futhi silandele imiyalo yaKhe ukuze sitholakale sikufanele ukungena emBusweni waKhe futhi sibe nokuphila okuphakade ekubuyeni kukaKristu.

Yenza Uvivinyo 1 no 2 nengane yakho.

Izimpendulo zovivinyo 2:

1. Isho kanje iNkosi uJehova.
2. Ngokuba ngiyazi mina imicabango engiycabanga ngani, usho uJehova.
3. Usho kanje uJehova, uthi: Noma benamandla, futhi bebaningi,
4. Ngalokho ithi iNkosi uJehova-Sebawoti, uMninimandla kalsrayeli:

Eminye imibuzo esingayibuza:

1. Ingabe lisho ukuthini igama elithi umprofethi na?

Impendulo: Lowo oshoyo noma okhulumela uNkulunkulu ahumushe izambulo zaphezulu.

2. Ingabe yini eyenziwa ngabaprofethi na?

Impendulo: Babeyizithunywa / abakhulumeli bakaNkulunkulu ababekhuluma egameni laKhe; babengabalindi abakhomba isono futhi becela abantu ukuthi baphenduke ezindleleni zabo; babikezela ngaphambili ngezinto.

3. Kunezincwadi ezingu - ____ zesiprofetho eTestamenteni eliDala, ezibhalwe ngabaprofethi abayi - ____

Impendulo: 17 no-16



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
